

## Profeteer, Profesie en Gesigte sien

Daar is geen godsdiens wat nie daarop aanspraak maak dat dit ook besondere openbaringsmiddele het nie. Die Christelike Godsdiens het dit ook; ons besondere openbaringsmiddel (revelatio specialis) is die Bybel (Woord van God).

### 1. Inleiding

Daar is verskillende woorde waarmee die Bybel beskryf hoe die besondere dinge aan die gelowiges openbaar word:

- **Ontdek, ontdek word, vertoon, verskyn, geopenbaar word:** Genesis 35:7; 1Samuel 2:27; 3:21; Jesaja 53:1; 56:1; Hosea 7:1
- **Sien, gesien word, vertoon, verskyn:** Genesis 12:7; 17:1; 18:1
- **Ken, bekendmaak, onderwys onderrig leer:** Numeri 12:6
- **Verskyn:** Lukas 1:79; Titus 1:11
- **Verskyning (veral van Christus by sy wederkoms):** 2 Tessalonisense 2:8; 1Timoteus 6:14; 2 Timoteus 4:1; Titus 2:13; 2 Timoteus 1:10
- **Openbaar, sigbaar maak, vertoon verskyn (εμφανιζειν):** Matteus 27:53; Johannes 14:21, 22;
- **Bekendmaak (γνωριζειν):** Lukas 2:15; Romeine 9:22; Efesiërs 3:3, 5, 10
- **Bekendmaak (δηλουν):** 1 Petrus 1:11; 2 Petrus 1:14;
- **Toon (δεικνυμαι):** Johannes 5:20
- **Praat/spreek (λαλειν):** Hebreërs 1:1; 2:2; 5:5
- **Openbaar (αποκαλυπτειν):** Lukas 17:30; Romeine 1:17, 18; 8:18; Efesiërs 3:5; 2 Tessalonisense 2:3, 6, 8; 1 Petrus 1:5; 5:1.
- **Openbaar (φανερουν):** Johannes 17:6; Romeine 16:26; Kolossense 1:26; 1 Timoteus 3:16, 2 Timoteus 1:10

Daar is volgens Bavinck drie openbaringsmiddels:

1. Die eerste is dat die religieuse geloof 'n God soek wat naby is. Daarom is daar in feitlik alle gelowe die oortuiging/verwagting dat God/'n god in die een of ander gedaante of in die een of ander teken of op 'n heilige plek of tyd kan verskyn. (vgl Handeling 17:27)
2. Die tweede is die geloof in (veral heidense godsdiens) dat die gode hulle en hulle wil openbaar wil maak. Dit gebeur dan deur orakels en waarsêers, dromers, dodebesweerders, geestesieners, ens.
3. Daar is verder die geloof in die tussenkoms van die gode wanneer die aanbidders nood ervaar. Daarvoor is veral toorkuns en geheime formules en woorde gebruik.

Al hierdie dinge is bygeloof (superstisie) en is 'n karikatuur van die ware geloof en die ware omgang met die lewende God.

Hoe word die verskil geken tussen iemand wat werklik by God 'n openbaring ontvang het en iemand wat dit doen uit bygeloof (of aandagtrekkery!)? Die onderskeid lê daarin dat:

- In die Heilige Skrif neem God die inisiatief, omdat in die Skrif God self aan die woord is.
- In die Skrif is dit altyd God wat die mens soek en opsoek (tot die mens se verlossing).

Teenoor: Waar die mens die inisiatief neem, daar is God nie aan die woord nie.

- Daar is dit soos dit in die heidendom is waar die mens probeer om met allerhande middele (visioene, gesigte, openbaringe ens.) mag en houvas oor God te kry.
- Deur die sogenaamde visioene en gesigte probeer sulke mense dan ook om houvas te kry op die (gelowiges?) wat aan God behoort.

### 2. Visioene is baie tydelik van aard

Die vraag ontstaan of visioene regtig enige blywende rol in die kerkvolk se verlossing speel. Die vraag ontstaan teen die agtergrond van die volgende uitspraak:

1 Korintiërs 13:8

**Die liefde vergaan nimmermeer; maar profesieë - hulle sal tot niet gaan; of tale - hulle sal ophou; of kennis - dit sal tot niet gaan.**

1 Korintiërs 13:9

**Want ons ken ten dele en ons profeteer ten dele.**

### **3. Profesie is 'n baie uitsonderlike openbaringsmiddel**

Profesie was deur die Here gebruik om sy besondere openbaring aan mense bekend te maak.

1 Samuel 19:20

**Daarop stuur Saul boodskappers om Dawid te gaan haal. Maar toe hulle die skare profete sien profeteer, met Samuel as leier aan hulle hoof, het die Gees van God oor die boodskappers van Saul gekom, sodat hulle ook geprofeteer het.**

1 Samuel 19:23

**Hierop gaan hy daarheen, na Najot by Rama; en die Gees van God het ook oor hom gekom, sodat hy aldeur geloop en profeteer het totdat hy in Najot by Rama aangekom het.**

In Agab se tyd het ons die voorbeeld waar Josafat uitdruklik die profete bevraagteken het, en dan na nog 'n ander een soek: een wat bekend is daarvoor dat hy die wil van die Here kan openbaar! Let op na Agab se antwoord:

1 Konings 22:8

**En die koning van Israel antwoord Jósafat: Daar is nog een man om deur hom die HERE te raadpleeg; maar ék haat hom, omdat hy oor my niks goeds profeteer nie, maar onheil: Miga, die seun van Jimla. En Jósafat sê: Die koning moet nie so spreek nie!**

Dit is uit Agab se optrede duidelik dat hy dit so verstaan het dat die profete iets soos 'n beskikkingsmag (orakelspreuk?) het waarmee hulle dinge oor ander mense kan beskik. Daarom verklaar hy onomwonde dat die profeet Miga "...oor my niks goeds .. profeteer nie" Sy ongelof en misverstaan van wat profesie is, blyk duidelik uit hierdie uitspraak van hom. Hy sien dit nie as Godsopenbaring nie.

2 Kronieke 18:7

**En die koning van Israel antwoord Jósafat: Daar is nog een man om die HERE deur hom te raadpleeg; maar ék haat hom, want hy profeteer oor my niks goeds nie, maar altyd onheil; dit is Miga, die seun van Jimla. En Jósafat sê: Die koning moet nie so spreek nie!**

#### **Afleiding:**

Daar was dus van die begin af mense wat daarop aanspraak gemaak het dat hulle kan profeteer en visioene sien, maar wat leuenaars was - daarom die wantroue teen hierdie mense. Die werklike lewe het dus bewys dat hierdie mense met groot onderskeiding beluister moes word omdat hulle praterij en die waarheid (geskiedenis) dikwels vyande van mekaar was.

#### **4. Mense wat profeteer is as profete kenbaar**

Daar is baie voorbeelde in die Bybel waar die Here sy wil deur profesieë openbaar gemaak het. MAAR in al sulke gevalle het die kerkvolk duidelik geweet dat hierdie persoon sy openbaring by en deur die Here gekry het.

Een voorbeeld is waar die Here van Moses se gawes wegneem en dit op sewentig ander manne lê, sodat hulle hom kan help om in die Naam van die Here oor die volk te regeer. Twee van die uitgesoektes gaan nie saam op na die tabernakel toe nie. Hulle bly in die laer agter. Van hulle lees ons dan die volgende:

Numeri 11:27

**Toe hardloop 'n seun en vertel dit aan Moses en sê: Eldad en Medad profeteer in die laer.**

Daar is meer voorbeelde waar profete optree - maar elke keer maak die Here dit duidelik dat Hy hulle laat optree. Die mense weet dus wie hulle is.

1 Samuel 10:5

**Daarna sal jy kom by Gíbea van God waar die wagposte van die Filistyne is; en net soos jy daar die stad inkom, sal jy 'n groep profete ontmoet wat van die hoogte afkom, en voor hulle uit harpe en tamboeryne en fluite en sifers, terwyl hulle self profeteer.**

1 Samuel 10:6

**En die Gees van die HERE sal oor jou vaardig word, sodat jy saam met hulle sal profeteer en in 'n ander mens verander word.**

Waar iemand se lewe sodanig was dat die kerkmense hom nie met die profetiese werk vir/deur die Here geassosieer het nie, het hulle dit dadelik bevraagteken. Dink bv. aan Saul se geskiedenis:

1 Samuel 10:11

**En toe elkeen wat hom van gister en eergister af geken het, sien dat hy saam met die profete profeteer, het die mense die een aan die ander gesê: Wat het tog gebeur met die seun van Kis? Is Saul ook onder die profete?**

1 Samuel 10:13

**Toe hy klaar was met profeteer, het hy op die hoogte aangekom.**

**Afleiding:** Mense kan net profeteer wanneer die Here hulle stuur. Byvoorbeeld: Jeremia 19:14

**Toe het Jeremia uit Tofet gekom, waarheen die HERE hom gestuur het om te profeteer, en hy het gaan staan in die voorhof van die huis van die HERE en aan die hele volk gesê:**

## **5. Van lankal af is hierdie openbaringsmiddel misbruik!**

Bespreek die volgende Bybelverse:

Jesaja 9:15 (9:14)

**Die oudste en aansienlike, dié is die kop, en die profeet wat leuens profeteer, dié is die stert;**

Jesaja 30:10

**...wat aan die sieners sê: Sien nie! en aan die profete: Profeteer vir ons nie wat reg is nie; spreek vleitaal vir ons, profeteer bedrieëry;**

Jeremia 5:31

**...die profete profeteer vals, en aan hulle sy oefen die priesters mag uit, en my volk wil dit graag so hê. Maar wat sal julle doen aan die einde daarvan?**

Jeremia 11:21

**Daarom, so spreek die HERE aangaande die manne van Anatot wat jou lewe soek en sê: Jy mag nie profeteer in die Naam van die HERE nie, anders sal jy sterwe deur ons hand -**

Jeremia 14:14, 15

**En die HERE het vir my gesê: Die profete profeteer vals in my Naam; Ek het hulle nie gestuur en hulle geen bevel gegee en met hulle nie gespreek nie; hulle profeteer vir julle 'n leuengesig en nietige waarsêery en bedrieëry van hulle hart. Daarom, so spreek die HERE: Aangaande die profete wat profeteer in my Naam sonder dat Ek hulle gestuur het, en wat sê: Daar sal geen swaard of hongersnood in hierdie land wees nie - dié profete sal deur die swaard en die hongersnood omkom.**

In die bostaande gedeelte maak die Heilige Gees dit baie duidelik dat almal wat op hierdie bo-natuurlike gawes aanspraak maak, nie deur die Here gestuur is nie:

***Ek het hulle nie gestuur en hulle geen bevel gegee en met hulle nie gespreek nie***

**Dit is sulke mense wat God se mag vir hulleself toe-eien en dan oor God se kinders daarmee basspeel. Die gelowiges moet dus onderskei met wie hulle te doen het, anders gaan die mense se valsheid en leuens hulle op die gelowiges wreek! Kyk na die volgende voorbeeld:**

Jeremia 14:16

**En die volk vir wie hulle profeteer, sal in die strate van Jerusalem weggegooi lê vanweë die hongersnood en die swaard sonder dat iemand hulle begrawe; hulle, hulle vrouens en hulle seuns en hulle dogters. So sal Ek dan hulle boosheid oor hulle uitstort.**

Jeremia 23:16

**So sê die HERE van die leërskaare: Luister nie na die woorde van die profete wat vir julle profeteer nie; hulle vervul julle met ydele verwagtinge; gesigte uit hul eie hart verkondig hulle, nie uit die mond van die HERE nie.**

Jeremia 23:25, 26

**Ek het gehoor wat die profete sê, wat in my Naam vals profeteer met die woorde: Ek het gedroom, ek het gedroom! Hoe lank nog? Is dit in die hart van die profete wat leuens profeteer en profete is van die bedrieëry van hulle hart—**

Jeremia 23:32

**Kyk, Ek het dit teen hulle wat leuenagtige drome profeteer, spreek die HERE, en dit rondvertel en my volk verlei met hulle leuens en hulle grootpraterij, terwyl Ek hulle nie gestuur en aan hulle geen bevel gegee het nie, en hulle vir hierdie volk hoegenaamd geen voordeel bring nie, spreek die HERE.**

## **6. Die gawe van profesie in die Nuwe Testamentiese Kerk**

Bespreek die volgende aanhalings:

Handelinge 2:17, 18

**En in die laaste dae, spreek God, sal Ek van my Gees uitstort op alle vlees, en julle seuns en julle dogters sal profeteer, en julle jongelinge sal gesigte sien, en julle ou mense sal drome droom. En ook op my diensknegte en diensmaagde sal Ek in dié dae van my Gees uitstort, en hulle sal profeteer.**

1 Korintiërs 14:1

**Jaag die liefde na, en beywer julle met die oog op die geestelike gawes, maar veral om te profeteer...**

1 Korintiërs 14:3, 4, 5

**Maar hy wat profeteer, spreek tot die mense woorde van stigting en troos en bemoediging. Hy wat in**

'n taal spreek, stig homself; maar hy wat profeteer, stig die gemeente. Ek wens dat julle almal in tale spreek, maar nog liever dat julle profeteer. Want hy wat profeteer, is groter as hy wat in tale spreek, of hy moet dit uitlê, sodat die gemeente stigting kan ontvang.

1 Korintiërs 14:39

**Daarom, broeders, beywer julle om te profeteer en moenie verhinder dat daar in tale gespreek word nie.**

Openbaring 10:11

**En hy het vir my gesê: Jy moet weer profeteer oor baie volke en nasies en tale en konings.**

Openbaring 11:3

**En Ek sal aan my twee getuies gee dat hulle, met sakke bekleed, duisend twee honderd en sestig dae lank sal profeteer.**

Tekste vir verdere Bybelstudie:

Jeremia 25:30 **Jy moet dan al hierdie woorde vir hulle profeteer en aan hulle sê: Die HERE sal brul uit die hoogte en sy stem verhef uit sy heilige woning! Geweldig sal Hy brul oor sy woonplek; soos druiwettrappers sal Hy 'n vreugdegeroep aanhef teen al die inwoners van die aarde.**

Jeremia 26:12 **Maar Jeremia het al die vorste en die hele volk toegesprek en gesê: Die HERE het my gestuur om teen hierdie huis en teen hierdie stad te profeteer al die woorde wat julle gehoor het.**

Jeremia 27:10 **Want hulle profeteer leuens vir julle om julle ver te laat wees uit julle land, sodat Ek julle verdrywe en julle omkom.**

Jeremia 27:14 **Luister dan nie na die woorde van die profete nie, wat met julle spreek en sê: Julle sal die koning van Babel nie dien nie; want hulle profeteer leuens vir julle.**

Jeremia 27:15 **Want Ek het hulle nie gestuur nie, spreek die HERE, en hulle profeteer vals in my Naam, dat Ek julle kan verdrywe en dat julle kan omkom, julle en die profete wat vir julle profeteer.**

Jeremia 27:16 **Ook het ek met die priesters en hierdie hele volk gesprek en gesê: So spreek die HERE: Luister nie na die woorde van julle profete nie, wat vir julle profeteer en sê: Kyk, die voorwerpe van die huis van die HERE sal nou gou uit Babel teruggebring word; want hulle profeteer leuens vir julle.**

Jeremia 28:9 **Die profeet wat profeteer van vrede—as die woord van die profeet uitkom, sal die profeet bekend word wat die HERE waarlik gestuur het.**

Jeremia 29:9 **Want hulle profeteer vir julle vals in my Naam; Ek het hulle nie gestuur nie, spreek die HERE.**

Jeremia 29:21 **So sê die HERE van die leërskaare, die God van Israel, aangaande Agab, die seun van Kolája, en aangaande Sedekía, die seun van Maáséja, wat vir julle in my Naam leuens profeteer: Kyk, Ek gee hulle in die hand van Nebukadrésar, die koning van Babel, en hy sal hulle voor julle oë verslaan.**

Jeremia 32:3 **waar Sedekía die koning van Juda, hom opgesluit het, met die woorde: Waarom profeteer jy en sê: So spreek die HERE: Kyk, Ek gee hierdie stad in die hand van die koning van Babel, en hy sal dit inneem;**

Esegiël 4:7 **En op die beleëring van Jerusalem moet jy jou aangesig rig terwyl jou arm ontbloot is; en jy moet daarteen profeteer.**

Esegiël 6:2 **Mensekind, rig jou aangesig teen die berge van Israel, en profeteer teen hulle**

Esegiël 11:4 **Daarom, profeteer teen hulle, profeteer, mensekind!**

Esegiël 11:13 **En terwyl ek profeteer, het Pelatja, die seun van Benája, gesterwe. Toe het ek op my aangesig geval en hardop uitgeroep en gesê: Ag, Here HERE, wil U 'n einde maak aan die oorblyfsel van Israel?**

Esegiël 12:27 **Mensekind, kyk, die huis van Israel sê: Die gesig wat hy sien, is vir baie dae, en hy profeteer van tye wat ver is.**

Esegiël 13:2 **Mensekind, profeteer teen die profete van Israel wat profeteer, en sê aan die wat profete uit hulle eie hart is: Hoor die woord van die HERE!**

Esegiël 13:16 **Naamlik die profete van Israel wat profeteer aangaande Jerusalem en vir hom gesigte**

van vrede sien, terwyl daar geen vrede is nie, spreek die Here HERE.

Esegjël 13:17 En jy, mensekind, rig jou aangesig teen die dogters van jou volk wat as profetesse optree uit hulle eie hart, en profeteer teen hulle

Esegjël 20:46 Mensekind, rig jou aangesig na die suide en laat jou rede druppel teen die suide en profeteer teen die bosveld, die Suidland,

Esegjël 21:2 Mensekind, rig jou aangesig teen Jerusalem en laat jou rede druppel teen die heiligdomme en profeteer teen die land van Israel;

Esegjël 21:9 Mensekind, profeteer en sê: So spreek die HERE. Sê: 'n Swaard, 'n swaard is skerp gemaak en ook geskuur;

Esegjël 21:14 En jy, mensekind, profeteer en slaan hand teen hand, sodat die swaard verdubbel word, tot drievoudig toe, 'n moordende swaard is dit, 'n moorddadige swaard, die grote, wat hulle omsweef.

Esegjël 21:28 En jy, mensekind, profeteer en sê: So spreek die Here HERE aangaande die kinders van Ammon en hulle smaadrede; en jy moet sê: 'n Swaard, 'n swaard is getrek om te slag; dit is geskuur tot die uiterste toe om soos 'n weerligstraal te wees—

Esegjël 25:2 Mensekind, rig jou aangesig teen die kinders van Ammon, en profeteer teen hulle.

Esegjël 28:21 Mensekind, rig jou aangesig teen Sidon en profeteer teen hom

Esegjël 29:2 Mensekind, rig jou aangesig teen Farao, die koning van Egipte, en profeteer teen hom en teen die hele Egipte.

Esegjël 30:2 Mensekind, profeteer en sê: So spreek die Here HERE: Huil julle! Ag, die dag!

Esegjël 34:2 Mensekind, profeteer teen die herders van Israel; profeteer en sê vir hulle, die herders: So spreek die Here HERE: Wee die herders van Israel wat aan hulleself weiding verskaf! Moet die herders nie die skape laat wei nie?

**Esegjël 35:2** Mensekind, rig jou aangesig teen die berg Seïr en profeteer teen hom.

Esegjël 36:1 En jy, mensekind, profeteer tot die berge van Israel en sê: Berge van Israel, hoor die woord van die HERE!

Esegjël 36:3 daarom profeteer en sê: So spreek die Here HERE: Omdat, ja, omdat hulle julle van alle kante verwoes en vertrap het, sodat julle vir die oorblyfsel van die nasies 'n besitting kan wees, en julle in opspraak gekom het en deur die mense beskinder is—

Esegjël 36:6 Daarom, profeteer oor die land van Israel, en spreek tot die berge en die heuwels, tot die klowe en die dale: So spreek die Here HERE: Kyk, Ek spreek in my ywer en in my grimmigheid, omdat julle die smaad van die nasies gedra het.

Esegjël 37:4 Daarop sê Hy vir my: Profeteer oor hierdie bene en sê vir hulle: Dor bene, hoor die woord van die HERE!

Esegjël 37:9 Daarop sê Hy vir my: Profeteer tot die gees, profeteer, mensekind, en sê aan die gees: So spreek die Here HERE: Kom aan uit die vier windstreke, o gees, en blaas in hierdie dooies, dat hulle lewendig kan word.

Esegjël 37:12 Daarom, profeteer en sê aan hulle: So spreek die Here HERE: Kyk, Ek sal julle grafte oopmaak en julle uit jul grafte laat opkom, o my volk! En Ek sal julle bring in die land van Israel.

Esegjël 38:2 Mensekind, rig jou aangesig teen Gog, in die land Magog, die vors van Ros, Meseg en Tubal, en profeteer teen hom

Esegjël 38:14 Daarom, profeteer, o mensekind, en sê aan Gog: So spreek die Here HERE: Sal jy dit nie opmerk in dié dag as my volk Israel veilig woon nie?

Esegjël 39:1 En jy, mensekind, profeteer teen Gog en sê: So spreek die Here HERE: Kyk, Ek het dit teen jou, o Gog, vors van Ros, Meseg en Tubal.

Joël 2:28 En daarna sal Ek my Gees uitgiet op alle vlees, en julle seuns en julle dogters sal profeteer, julle ou mense drome droom, julle jongelinge gesigte sien.

Amos 2:12 Maar julle het die nasireërs wyn laat drink en aan die profete bevel gegee en gesê: Julle mag nie profeteer nie!

Amos 3:8 Die leeu het gebrul, wie sal nie vrees nie? Die Here HERE het gespreek, wie sal nie profeteer nie?

Amos 7:12 Toe sê Amásia vir Amos: Gaan weg, siener, vlug na die land Juda en eet daar brood en profeteer daar!

Amos 7:13 Maar in Bet - el mag jy verder nie meer profeteer nie, want dit is 'n koninklike heiligdom en 'n tempel van die ryk.

Amos 7:15 Maar die HERE het my agter die kleinvee weggeneem, en die HERE het aan my gesê: Gaan heen, profeteer teen my volk Israel.

Amos 7:16 Hoor dan nou die woord van die HERE! Jy sê: Jy mag nie teen Israel profeteer nie, en jy

**mag geen woorde laat druppel teen die huis van Isak nie.**

**Miga 2:6 Moet nie profeteer nie! sê die valse profete. As 'n mens hieroor nie mag profeteer nie, sal die beskimping nie ophou nie!**

**Miga 2:11 As iemand wind nawandel en bedrieglik lieg en sê: Ek sal vir jou profeteer by wyn en sterk drank—dan sou hy vir hierdie volk 'n profeet wees!**

**Sagaria 13:3 En as iemand nog wil profeteer, sal sy vader en sy moeder wat hom verwek het, vir hom sê: Jy mag nie langer lewe nie, want jy het leuens in die Naam van die HERE verkondig; en sy vader en sy moeder wat hom verwek het, sal hom deurboor as hy wil profeteer.**

**Sagaria 13:4 En in dié dag sal elkeen van die profete, as hy profeteer, hom skaam oor sy gesig; en hulle sal die harige mantel nie aantrek om te lieg nie.**

**Matteus 26:68 En ander het Hom met stokke geslaan en gesê: Profeteer vir ons, Christus! Wie is dit wat U geslaan het?**

**Markus 14:65 En sommige het begin om op Hom te spuug en sy aangesig toe te maak en Hom met die vuis te slaan en vir Hom te sê: Profeteer! En die dienaars het Hom met stokke geslaan.**

**Lukas 22:64 En hulle het Hom geblinddoek en Hom in die aangesig geslaan en Hom gevra en gesê: Profeteer wie dit is wat U geslaan het.**

**Numeri 11:25 Daarop het die HERE neergedal in die wolk en met hom gespreek; en Hy het van die Gees wat op hom was, afgesonder en op die sewentig oudstes gelê. En terwyl die Gees op hulle rus, het hulle geprofeteer; maar daarna nie meer nie.**

**Numeri 11:26 Maar twee manne het in die laer agtergebly: die naam van die een was Eldad en die naam van die ander Medad; en die Gees het op hulle gerus—hulle het behoort by die wat opgeskrywe was, hoewel hulle nie na die tent uitgegaan het nie—en hulle het in die laer geprofeteer.**

**1 Samuel 10:10 Nadat hulle daar by Gíbea gekom het, ontmoet hom meteens 'n groep profete, en die Gees van God het oor hom vaardig geword, sodat hy onder hulle geprofeteer het.**

**1 Samuel 19:20 Daarop stuur Saul boodskappers om Dawid te gaan haal. Maar toe hulle die skare profete sien profeteer, met Samuel as leier aan hulle hoof, het die Gees van God oor die boodskappers van Saul gekom, sodat hulle ook geprofeteer het.**

**1 Samuel 19:21 Toe hulle dit aan Saul meedeel, het hy ander boodskappers gestuur, maar hulle het ook geprofeteer; en Saul het die derde keer weer boodskappers gestuur, maar hulle het ook geprofeteer.**

**1 Samuel 19:24 Hy het ook self sy klere uitgetrek en ook voor Samuel geprofeteer en ontbloot neergeval daardie hele dag en die hele nag. Daarom sê hulle: Is Saul ook onder die profete?**

**1 Konings 22:12 En al die profete het so geprofeteer en gesê: Trek op na Ramot in Gílead en u sal voorspoedig wees, en die HERE sal dit in die hand van die koning gee.**

**2 Kronieke 18:11 En so het al die profete geprofeteer en gesê: Trek op na Ramot in Gílead en u sal voorspoedig wees, en die HERE sal dit in die hand van die koning gee.**

**2 Kronieke 20:37 Maar Eliëser, die seun van Dódawa, uit Marésa, het teen Jósafat geprofeteer en gesê: Omdat u 'n bondgenootskap met Ahásia aangegaan het, verbreek die HERE u werk. En die skepe het skipbreuk gely, sodat hulle nie in staat was om na Tarsis te vaar nie.**

**Esra 5:1 Maar Hággai, die profeet, en Sagaría, die seun van Iddo, die profete, het vir die Jode wat in Juda en Jerusalem was, geprofeteer in die Naam van die God van Israel wat oor hulle was.**

**Jeremia 2:8 Die priesters het nie gesê: Waar is die HERE nie? En die wat die wet handhaaf, het My nie geken nie; en die vorste het teen My oortree, en die profete het geprofeteer deur Baäl en agter dinge aan geloof wat geen voordeel bring nie.**

**Jeremia 20:6 En jy, Pashur, en al die inwoners van jou huis sal in gevangenskap gaan; en jy sal in Babel kom en daar sterwe en daar begrawe word, jy en al jou vriende vir wie jy vals geprofeteer het.**

**Jeremia 23:21 Ek het die profete nie gestuur nie, tog het hulle geloof; Ek het nie met hulle gespreek nie, tog het hulle geprofeteer.**

**Jeremia 25:13 En Ek sal oor dié land bring al my woorde wat Ek daarvoor gespreek het—alles wat geskrywe is in hierdie boek, wat Jeremia geprofeteer het oor al die nasies.**

**Jeremia 26:9 Waarom het jy in die Naam van die HERE geprofeteer en gesê: Hierdie huis sal soos Silo word, en hierdie stad sal verwoes word, sonder inwoner? En die hele volk het bymekaargekom teen Jeremia in die huis van die HERE.**

**Jeremia 26:11 En die priesters en die profete het met die vorste en met die hele volk gespreek en gesê: Hierdie man verdien die dood, want hy het geprofeteer teen hierdie stad, soos julle met jul ore gehoor het.**

**Jeremia 26:20 En daar was ook 'n man wat in die Naam van die HERE geprofeteer het, Uría, die seun van Semája, van Kirjat - Jeárim; en hy het geprofeteer teen hierdie stad en teen hierdie land**

**ooreenkomstig al die woorde van Jeremia.**

**Jeremia 28:6 en die profeet Jeremia het gesê: Amen, laat die HERE so doen! Laat die HERE vervul jou woorde wat jy geprofeteer het, deur die voorwerpe van die huis van die HERE en al die ballinge uit Babel na hierdie plek terug te bring!**

**Jeremia 28:8 Die profete wat daar voor my en voor jou gewees het, van ouds af, het geprofeteer teen magtige lande en teen groot koninkryke van oorlog en onheil en pes.**

**Jeremia 29:31 Laat al die ballinge weet: So sê die HERE aangaande Semája, die Nehelamiet: Omdat Semája vir julle geprofeteer het sonder dat hy deur My gestuur is, en hy julle op leuens laat vertrou het,**

**Jeremia 37:19 En waar is julle profete wat vir julle geprofeteer het met die woorde: Die koning van Babel sal nie teen julle of teen hierdie land kom nie?**

**Esegiël 37:7 Toe het ek geprofeteer soos my beveel was. En sodra ek geprofeteer het, was daar 'n geruis, en kyk—'n beroering! En die bene het nader gekom, elke been na sy been.**

**Esegiël 37:10 En ek het geprofeteer soos Hy my beveel het. Toe het die gees in hulle gekom, en hulle het lewendig geword en op hulle voete gaan staan—'n ontsaglike groot leër!**

**Esegiël 38:17 So sê die Here HERE: Is jy dit van wie Ek in die voortyd gespreek het deur my knegte, die profete van Israel, wat in dié dae geprofeteer het, jare lank, dat Ek jou teen hulle sal laat aankom?**

**Matteus 7:22 Baie sal in daardie dag vir My sê: Here, Here, het ons nie in u Naam geprofeteer en in u Naam duiwels uitgedrywe en in u Naam baie kragte gedoen nie?**

**Matteus 11:13 Want al die profete en die wet het tot op Johannes geprofeteer.**

**Matteus 15:7 Geveinsdes, tereg het Jesaja oor julle geprofeteer toe hy gesê het:**

**Markus 7:6 En Hy antwoord en sê vir hulle: Tereg het Jesaja oor julle, geveinsdes, geprofeteer soos geskrywe is: Hierdie volk eer My met die lippe, maar hulle hart is ver van My af.**

**Lukas 1:67 En Sagaría, sy vader, is vervul met die Heilige Gees en het geprofeteer en gesê:**

**Johannes 11:51 En dit het hy nie uit homself gesê nie; maar omdat hy daardie jaar hoëpriester was, het hy geprofeteer dat Jesus vir die volk sou sterwe.**

**Handelinge 19:6 En Paulus het hulle die hande opgelê, en die Heilige Gees het op hulle gekom, en hulle het met tale gespreek en geprofeteer.**

**1 Petrus 1:10 Aangaande hierdie saligheid het die profete wat geprofeteer het oor die genade wat vir julle bestem is, ondersoek en nagevors,**

**Judas 1:14 En Henog, die sewende van Adam af, het ook teen hulle geprofeteer en gesê: Kyk, die Here het gekom met sy heilige tien duisendtal,**

**2 Kronieke 9:29 En die verdere geskiedenis van Salomo, die vroeëre sowel as die latere, is dit nie beskrywe nie in die Geskiedenis van die profeet Natan en in die Profesie van Ahía, die Siloniet, en in die Gesigte van die siener Jedi oor Jeróbeam, die seun van Nebat?**

**2 Kronieke 15:8 En toe Asa hierdie woorde en die profesie hoor wat Asárja, die seun van Oded, gespreek het, het hy moed geskep en die verfoeisels verwyder uit die hele land Juda en Benjamin en uit die stede wat hy op die gebergte van Efraim ingeneem het; en die altaar van die HERE wat voor die voorportaal van die HERE was, het hy herstel.**

**Nehemia 6:12 Want ek het duidelik gemerk dat God hom nie gestuur het nie, maar dat hy die profesie oor my gespreek het, omdat Tobía en Sanbállat hom gehuur het.**

**Matteus 13:14 En aan hulle word die profesie van Jesaja vervul wat sê: Met die gehoor sal julle hoor en glad nie verstaan nie, en julle sal kyk en kyk, en glad nie sien nie.**

**Romeine 12:7 is dit profesie, na die maat van die geloof; of bediening, in die werk van bediening; of wie leer, in die lering;**

**1 Korintiërs 12:10 aan 'n ander werkinge van kragte, aan 'n ander profesie, aan 'n ander onderskeiding van die geeste, aan 'n ander allerhande tale, aan 'n ander uitleg van tale.**

**1 Korintiërs 13:2 En al sou ek die gawe van profesie hê en al die geheimenisse weet en al die kennis, en al sou ek al die geloof hê, sodat ek berge kon versit, en ek het nie die liefde nie, dan sou ek niks wees nie.**

**1 Korintiërs 14:6 Maar nou, broeders, as ek na julle kom en in tale spreek, tot watter nut sal ek vir julle wees as ek nie met julle spreek of deur 'n openbaring, of deur kennis, of deur profesie, of deur lering nie?**

**1 Korintiërs 14:22 Die tale is dus 'n teken nie vir die gelowiges nie, maar vir die ongelowiges; die profesie egter is nie vir die ongelowiges nie, maar vir die gelowiges.**

**1 Timoteus 4:14 Verwaarloos nie die genadegawe wat in jou is nie, wat jou gegee is deur die profesie met die handoplegging van die ouderlinge.**

**2 Petrus 1:20 terwyl julle veral dít moet weet, dat geen profesie van die Skrif 'n saak van eie**



**uitlegging is nie;**

2 Petrus 1:21 **want geen profesie is ooit deur die wil van 'n mens voortgebring nie, maar, deur die Heilige Gees gedrywe, het die heilige mense van God gespreek.**

Openbaring 1:3 **Salig is hy wat die woorde van die profesie lees, en die wat dit hoor en bewaar wat daarin geskrywe is, want die tyd is naby.**

Openbaring 11:6 **Hulle het mag om die hemel te sluit, sodat daar in die dae van hulle profesie geen reën val nie; en hulle het mag oor die waters, om dit in bloed te verander en om die aarde te tref met allerhande plaë so dikwels as hulle wil.**

Openbaring 19:10 **En ek het voor sy voete neergeval om hom te aanbid; maar hy het vir my gesê: Moenie! Ek is 'n medediensknege van jou en van jou broeders wat die getuienis van Jesus het.**

**Aanbid God. Want die getuienis van Jesus is die gees van die profesie.**

Openbaring 22:7 **Kyk, Ek kom gou. Salig is hy wat die woorde van die profesie van hierdie boek bewaar.**

Openbaring 22:10 **En hy het vir my gesê: Moenie die woorde van die profesie van hierdie boek verseël nie, want die tyd is naby.**

Openbaring 22:18 **Want ek betuig aan elkeen wat die woorde van die profesie van hierdie boek hoor: As iemand by hierdie dinge byvoeg, dan sal God oor hom die plaë byvoeg waarvan in hierdie boek geskrywe is.**

Openbaring 22:19 **En as iemand iets van die woorde van die boek van hierdie profesie wegneem, dan sal God sy deel wegneem uit die boek van die lewe en uit die heilige stad en uit die dinge waarvan in hierdie boek geskrywe is.**

1 Korintiërs 13:8 **Die liefde vergaan nimmermeer; maar profesieë—hulle sal tot niet gaan; of tale—hulle sal ophou; of kennis—dit sal tot niet gaan.**

1 Tessalonisens 5:20 **Verag die profesieë nie.**

1 Timoteus 1:18 **Hierdie boodskap vertrou ek aan jou toe, my kind Timótheüs, ooreenkomstig die profesieë wat vroeër aangaande jou uitgespreek is, sodat jy daardeur die goeie stryd kan stry**

Matteus 24:25 **Kyk, Ek het dit vir julle vooruit gesê.**

Markus 13:23 **Maar julle moet op jul hoede wees. Kyk, Ek het alles vir julle vooruit gesê.**

1 Tessalonisense 3:4 **Want ook toe ons by julle was, het ons julle vooruit gesê dat ons verdruk sou word, soos dit ook gebeur het en soos julle weet.**

Jesaja 28:7 **En ook die manne hier wankel deur die wyn en waggel deur sterk drank; priester en profeet wankel deur sterk drank, hulle is verward van die wyn, hulle waggel van sterk drank, hulle wankel as hulle gesigte sien, hulle waggel by die regspraak.**

Esegiël 13:9 **En my hand sal wees teen die profete wat bedrieglike gesigte sien en leuens waarsê: hulle sal in die vergadering van my volk nie wees nie en in die boek van die huis van Israel nie opgeskryf word nie en in die land van Israel nie kom nie; en julle sal weet dat Ek die Here HERE is.**

Joël 2:28 **En daarna sal Ek my Gees uitgiet op alle vlees, en julle seuns en julle dogters sal profeteer, julle ou mense drome droom, julle jongelinge gesigte sien.**

Handelinge 2:17 **En in die laaste dae, spreek God, sal Ek van my Gees uitstort op alle vlees, en julle seuns en julle dogters sal profeteer, en julle jongelinge sal gesigte sien, en julle ou mense sal drome droom.**

Esegiël 13:7 **Het julle nie 'n bedrieglike gesig gesien en leuenagtige waarsêery gespreek nie deurdat julle sê: Die HERE spreek, terwyl Ék nie gespreek het nie?**

Daniël 7:2 **Daniël het gespreek en gesê: Ek het in die nag in my gesig gesien, en kyk, die vier winde van die hemel het die groot see in beroering gebring;**

Daniël 8:2 **Ek het naamlik in die gesig gesien—terwyl ek kyk, was ek in die vesting Susan wat in die provinsie Elam lê; en ek het in die gesig gesien dat ek my aan die Ulairivier bevind het.**

Daniël 8:15 **En toe ek, Daniël, die gesig gesien het, het ek probeer om dit te verstaan, en kyk, daar het iemand voor my gestaan wat soos 'n man gelyk het.**

Daniël 9:21 **terwyl ek nog spreek in die gebed, het die man Gabriël wat ek, uitgeput van vermoëienis, 'n vorige keer in die gesig gesien het, na my gekom omtrent die tyd van die aandspysoffer.**

Daniël 10:7 **En ek, Daniël, alleen het die gesig gesien, maar die manne wat saam met my was, het die gesig nie gesien nie; nogtans het 'n groot skrik hulle oorval, sodat hulle gevlug het om hulle te verberg.**

Daniël 10:8 **Toe het ék alleen oorgebly en hierdie groot gesig gesien, en geen krag het in my oorgebly nie, en my gesonde kleur het aan my verander en verdwyn, en ek het geen krag oorgehou nie.**

Sagaria 1:8 **Ek het in die nag 'n gesig gesien—daar was 'n man wat op 'n bruin perd ry, en hy het**

**gestaan tussen die mirtebome wat in die diepte was; en agter hom was daar bruin, vos en wit perde. Lukas 24:23 en toe hulle sy liggaam nie kry nie, het hulle gekom en gesê dat hulle ook 'n gesig gesien het van engele wat sê dat Hy lewe.**

**Handelinge 11:5 Ek was in die stad Joppe in die gebed, en in 'n verrukking van sinne het ek 'n gesig gesien: 'n voorwerp het uit die hemel neergedaal soos 'n groot laken wat aan die vier hoeke uit die hemel neergelaat word, en dit het tot by my gekom.**

**Handelinge 16:10 En toe hy die gesig gesien het, het ons dadelik probeer om na Macedónië te gaan, omdat ons versekerd was dat die Here ons geroep het om die evangelie aan hulle te verkondig.**